

خبرنگار محاکمات

جمعه ایرتسی

تومرو	شوال	سنه	نیسان	سنه	صفحه
۶۹۹	۵	۱۳۱۰	۱۰	۱۳۰۹	۱۰۳۰۱

(اشبوغزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولق اوزره یوز پاره یه هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکنه مشتری اولق استیانیلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت سومی

برینک تحت تزوجنده ایکن بلا ولد و بلا ابون
 وفات ایتمسند طولای متصرفه اولدنی املا کنک
 معامله انتقالیه سنک حصراً عهده لرینه اجرایی
 متوفاته نک برادر و همشیره لری طرفندن استعدا
 اولنمی اوزرینه اولباده مجلس تدقیقات
 شرعیه دن قلمه النوب فتواخانه جه ایجاب شرعیسی
 ظهرینه اشارت ایدیلان مذکره ایله شورای
 دولت تنظیمات دائره سمندن تنظیم اولنان مضبطه
 مجلس مخصوص وکلاده بالمطالعه اجنبی ایله ازدواج
 ایدن قادیلارک اصولی دائره سمند رسماً تبدیل
 تابعیت ایتمش عد اولنمی اقتضا ایده جکندن

(فی ۸ شوال سنه ۳۱۰ وفی ۱۳ نیشان)
 (سنه ۳۰۹ تاریخنده بالجمله ولایات استیناف)
 (محکمه سی مدعی عمومیلرینه ومدعی عمومی)
 (بولنیان محللر مدعی عمومی معاونلرینه یازیلان)
 (تحریرات عمومییه صورتیدر)

تبعه دولت علیه دن بر قادیلک تبعه اجنبیه دن

و مذکور ظهریه وجهه بیلر نده تابعه مخالفت بولنلاردن هر برینک آخردن وقوع بولان حقوقدن محرومیت دایر اولان حکم شرعی دخی خللدن مصون قاله جفتدن محاکمه اولوجهه معامله اولنسی تذکر و تنسیب قلمش اولدینی بیان عالیسیله اکاکوره اقتضاسنک ایفاسی شرفوارد اولان ۲۰ جاذی الاولی سنه ۱۳۱۰ و ۲۸ تشرین ثانی سنه ۳۰۸ تاریخلی تذکره سامیه حضرت صدارت پناهیده امر و اشعار بیورلش و دائرة مأموریتکر داخلنده بولنلار محاکمه لاجل التبلیغ اشبو تحریراتک نسخ مطبوعه کافیه سی لفا ارسال قلمش اولمغه بر موجب اراده علیه اجرای معامله اولنسی .

(فی ۱۵ نisan سنه ۳۰۹ تاریخنده محاکم)
(مرکزیه رؤسائیه یازیلان تذکره صورتی)

تصفیه دیون قرارنامه سی ایجابجه طقسان

طقوز سنه مالیه سی غایت قدر خزینیه بورجی اولانلرک یوزغرو و شلق تحویل به مقابل قرار سابق وجهه یکر می بش غرو و شک نقداً اعطاسنه مختار اوللار یله برابر ذمتلرینی سنین مرقومه به عائد و تصفیه قرارنامه سنه تابع بولنلار و خزینیه به مصدق اولان دیون امیریه ایله محسوب ایتدیر . ملرینه مساع کوسترلی و اصحاب دیوندن ایستک ایدنلرک کتوره جکری تحویلانک دخی باشه باش قبولنه دوام اولنسی و متفرعاتی حقیقه اخیراً متعلق بیوریلان قرار عالی و اراده سنیه مقدما تبلیغ قلندینی حالد بعض محالردن تصفیه تحویلاتی استلمکده اولسنه نظراً صورت قرار عالیدن دیون امیریه نک کافی السابق تحویلات ایله ایفاسی استدلال اولدینی اکلا شلمغه و بودهاب ایسه طوغری اولمغه تکرار ایضاح کیفیته مجبوری حاصل اولدیندن بخله خزینیه موجود اولان تصفیه تحویلاتی شمده به قدر تدقیق و تصدیق ایدلش اولان دیون امیریه نک ایفاسنه کافی درجهده اولدینی کی تکرار تحویل طبعنده دخی محذور مطالعه اولدینی و حالبوکه موقع تداولده بر مقدار تحویل بولندینی جهتله تداولده بولنلار تحویلانک ارقه سی التیق اوزره مطلوبات امیریه به مقابل استک ایدنلر طرفندن سنه حالیه شباطی

جلیه سندن اشعار قلمش اولمغه تبلیغ کیفیته ایتدار قلندی .

قسم غیر رسمی

یوزغاد سنجاجی بدایت محکمه سی جزا دائره سندن ویریلوب باش مدعی عمومیلک مأموریت علیه سندن ۲۵ شباط سنه ۳۰۸ تاریخ و اوچ بیک الی بر نومرولی تبلیغنامه ایله مع متفرعات محکمه تمیز جزا دائره سنه کوندریلان ۵ کانون اول سنه ۳۰۸ تاریخ و یوزاللی الی نومرولی اعلام قرائت اولندی .

مذکور اعلام مالی بوغازلیان قضاسنه تابع قیوریل قریه لی عبدالقادر کهیا اوغلی امینک جرح و قتل ایدلسندن طولایی جنایتله اتهام اولنلار

نهایت قدر کتوره یله جک تحویلانک امضالی اوله رق قبولیه برابر خزینیه تکرار تحویل طبعیه بورجنه اعطاسی مجبوریندن قورتلمق اوزره بعدما دیون امیریه ایچون تحویل اعطاسندن صرف نظرله بوکا مقابل مطلوبات خزینیه نک کوستریله جک دیون مصدقه امیریه ایله اجرای محسوبنه مساع کوسترلش و چونکه تحویلات ذاتاً واسطه استیفا و ایشادن بشقه برشی اولدینی جهتله مطلوبات و دیون امیریه نک طوغری یدن طوغری به اجرای محسوبنه مساعده اولدینی تقدیرده دیون امیریه ایچون تحویلات اعطاسنه لزوم قالمه جنی درکار بولنش اولسنه و تبلیغ قلنن قرار عالیده اول مرکزده متعلق بیورلمسنه منی اصحاب دیون طرفندن سال حال شباطی آخرینه قدر یوزده یکر می بش غرو و نقد و یا خود امضالی اوله رق باشه باش تحویل اعطا اولدینی تقدیرده قبولیه برابر نقد و یا تحویل ویرلیوبده مطلوب خزینیه نک مصدق اوله رق کوستریله جک دیون امیریه ایله محسوب ایتدیرلک استیلورسه بر موجب قرار عالی اصولی دائره سندن اجرای محسوبی لازمکلوب دیون امیریه به مقابل زنهار تحویل اعطا اولنماسی مقتضی بولندیندن اکاکوره ایفای مقتضای لزومی بوکره مالیه نظارت

خرجنك بالتحصیل محكمه تمیزه ارسالی لزومه
۲۲ مارت سنه ۳۰۹ تاریخنده قرار ویرلدی .

فی ۸ شوال سنه ۳۱۰

وفی ۱۳ نیسان سنه ۳۰۹

قیصریه سنجانجی بدایت محکمه سی جزا
دائرة سندن ویریلوب مع متفرعات باش مدعی
عمومیلک مأموریت علیه سندن ۲۰ شعبان سنه ۳۱۰
و ۲۵ شباط سنه ۳۰۸ تاریخ و اوچ بیک یوز بش
نومرولی تبلیغنامه ایله محکمه تمیز جزا دائرة سنه
کوندر یلان ۳۰ جمادی الاخره سنه ۳۱۰ و ۶
کانون ثانی سنه ۳۰۸ تاریخ ویکرمی اتی نومرولی
اعلام قرائت اولندی .

مذکور اعلام مالی قیصریه ده واقع دلکلی
طاش محله سی ساکنلرندن طنه لی محمد اوغلی شعبانک
وقوعبولان قتلندن طولای متهم اولان حاجی بکر

قریه من بوره لی مصطفی کھیا اوغلی مصطفی و برادری
عادل و عموجه سی عثمانک عندالمحاکمه قانون جزانک
یوز یتیش دردنجی ماده سنه تطبیقاً اون بشرسنه
مدتله کورکه قونلملرینه حکم اولندیغنی حاوی
اولوب تبلیغنامه ده دخی شاهدلردن بری مقتولی
متهملردن عادلک ارقه سنه الوب کوتوردیکنی
ودیکری مصطفی کھیا ایله عثمانک مقتولی قولتوغه
کیروب کوتوردکارینی سو یلمش اولدینی حالد
بومباینت حل ایدلامش اولدیغندن و متهملرک
اوچنک بردن یحیاق استعمالیه مهلک اولان
جریته لری ایقاع ایدوب ایتدکلی تدقیق ایله
ماده قتلده درجه مدخل و تعدیلری اسباب
موجبه سیله تصریح اوانبق لزوم قانونیسی دخی
نقصان کوردیکندن بجائله اعلام مذکورک نقضی
طلب اولنمشدر .

سائر اوراق دعوی دخی قرائتله تدقیقات
تمیزیه اجرا اولندقدن مأموریت مشارالیهانک
تبلیغنامه سنده درمیان اولسان اعتراضات بجای
اولغله برابر مجرمیت قرارنده فعل قتلک نوعی
تعیین ایدلامش اولدیغندن اصول محاکمات جزائیه
قانوننک اوچیوز اون دردنجی ماده سنه توفیقاً
اعلام مذکورک نقضه و ایکیوز غروش اعلام

تبلیغنامه سنده درمیان اولسان اعتراضات بجای
ونقض حکمی موجب اسباب قانونیه دن کورلمکله
برموجب طاب اصول محاکمات جزائیه قانوننک
اوچیوز اون دردنجی ماده سنه توفیقاً اعلام
مذکورک نقضه و ایکیوز غروش اعلام خرنجک
بالتحصیل محکمه تمیزه ارسالی لزومه ۲۷ مارت
سنه ۳۰۹ تاریخنده قرار ویرلدی .

فی ۸ شوال سنه ۳۱۰

وفی ۱۳ نیسان سنه ۳۰۹

اوغلی کل ثابت و یحیاقجی اسماعیل اوغلی صالحک
بعدالنقض اجرا قتلان محاکمه لرنده قانون جزانک
یوز یتیش دردنجی و یوز یتیش بشنجی ماده لرینه
تطبیقاً ثابتک اون بش و صالحک بش سنه مدتلرله
کورکه قونلملرینه حکم اولندیغنی حاوی اولوب
تبلیغنامه ده دخی اعلام سابق اساساً تعیین وکالت
نقطه سندن و نقصانی تحقیقاتدن نقض اولنمش
اولسنه مبنی محاکمه اخیره ده مدافعه شهودینک
استماعنه مانع قانونی اولدینی حالد بوطلبک ردی
جواز قانونییه مقرون اولدینی کبی فقه حائد اولان
معاینه راپورتی مندرجاتنک ینه ارباب فن طرفندن
تدقیق و حل ایتدیرلمسی و ایجابنده مذکور
راپورتی اعطا ایدن طیبیدن طلب ایضاحات اولغنی
و مشهودات واقعه لری درجانتک تکرار شاهدلردن
صورلمسی و کشفنامه بی اعطا ایدنلرک دخی
معلوماتنه مراجعت قانمسی مصلحه و قانوناً لازم
ایکن بویولده توسیع تدقیقات جهتی نظر دفته
التامش اولسنندن ناشی اعلام مذکورک نقضی
طلب اولنمشدر .

سائر اوراق دعوی دخی قرائتله تدقیقات
تمیزیه اجرا اولندقدن مأموریت مشارالیهانک

فیلاتده واقع یونس قریه لی اسماعیل موسانک
قتلندن طولای اتهام اولنان قوسقه قریه لی ابراهیم

۲۳ شباط سنه ۳۰۸ تاریخچه قرار ویرلدی .

فی ۱۰ شوال سنه ۳۱۰
وفی ۱۵ نیسان سنه ۳۰۹

(تکفور طاغی بدایت محکمه سندن ۱۲ شباط)
(سنه ۳۰۶ تاریخی و یوزسکسان بش عدی ایله)
(ویریلان اعلامک مابعدی)

ایجابی مذاکره اولدوقده اعلام مذکور
مندرجاتندن مفهم اولدینی اوزره عقد مداینه
جدید مراجحه نظامنامه سنک نشری تاریخندن
مقدم وقوعبولش اولسنه و بر قانون و نظامک
ماقبله شمولی اولمیه جنی برنجی جلد دستوره
محرر مواد عمومیه احکامندن بولمنسنه نظراً
درجه اولی محکمه سنجه مبلغ مدعا به ایچون
نظامنامه مذکورک نشری تاریخنه قدر کذران ایدن
مدت ایچون عتیق مراجحه نظامنامه سی موجبجه
فائض حساب ورأس مالی تجاوز ایتسه بیلکه حکم

یوسفک قانون جزانک یوز یتش دردنجی ماده سنه
تطبیقاً اون بش سنه مدتله کورکه قولمنسنه داتر
پانیه استیناف محکمه سندن ویریلوب باش مدعی
عمومیلک مأموریت علیه سندن ۶ شباط سنه ۳۰۸
تاریخ وایکی بیک یدیوز طقسان درت نومرولی
تبلیغنامه ایلکه محکمه تمیز جزا دائره سنه کوندریلان
۱۰ کانون اول سنه ۳۰۸ تاریخ ویکرمی نومرولی
اعلام واوراق متفرعه سی تمیزاً لدی التدقیق
تبلیغنامه ده بیان اولدینی اوزره محاکمه ضبطک
ایلک قسملرینک امضا عللرنده کوریلان شرحاره
نظراً بر قسم محاکمه ضبطک دیگر قسم محاکمه
اجراسندن اول امضا اولغیوب صکره دن تحت
امضایه اندینی اکلاشیله رق بو صورت امر
محاکمه نیک سالماً جریانینی تأمین ایدن قاعده قانونیه
مخالف اولدینه ومع مافیه ضبطنامه ده کوریلان
جزیک وچیتیلردن بعضیسنک تصدیق الته
الندینی دخی اکلاشیلدینه و بو احوال تقضی
موجب اولغله معاملات متعاقبه منفسخه دن اولان
جهت حکمیه نیک تدقیقه محل کور بلامدیکنه مبنی
اصول محاکمات جزائیة قانوننک اوچوز اون
دردنجی ماده سی مفهومنجه بر موجب تبلیغنامه
حکم مذکورک نقضه وایکیوز غروش اعلام
خرجنک تحصیلیه محکمه تمیزه لزوم ارسالنه

اطه بازاری بدایت محکمه سندن ۱۱ تموز
سنه ۳۰۷ تاریخی وقرق التی عددی ایلکه ویریلان
اعلامک تمیزی استدعا ایدن اطه بازاری قضاسنه
تابع یورطان قریه سنده مقیم مهاجرین چرا کسه دن
احمد بک یوم معینه دائره یه کلدیکندن مبنی علیه
زراعت بانکه سی وکیلی اوخانس افندینک ایضا احاط
شفاهیه سیله بش مدعی عمومی معاونلرندن سعادتلو
یورغانکی افندینک مطالعه سی استماع اولدقدن صکره
تدقیقات تمیزیه اجراسنه ابتدار قلندی .

اعلام مذکورک خلاصه مالی زراعت بانکه سنه
دور اولنان اطه بازاری منافع صندوقی اقراضات
عتیه سندن مرقوم احمد بکک باسند دینی اولان
درت بیک ایکیوز غروش یکریمی باره نیک مع
فائض تحصیلی حقنده اطه بازاری بدایت محکمه سندن
صادر اولان اعلام غیابی علیه نه مزبور احمد بک
طرفندن اعتراض علی الحکم عرضحالی اعطا
قلمش ایسه ده تعیین قلنان کونده یته کلامسنه مبنی
اصول محاکمه حقوقیه قانوننک یوزاللی طقورنجی
ماده سی موجبجه عرضحال مذکورک ردینه
حکمدن و مستدعی تمیز احمد بکک اشبو حکم
علیه نه لایحه سنده محرر اعتراضاتک باشلوجه سی
مستند ادعا اولان سند تاریخنه نظراً آرهدن اون

اولنسی لازم کلور ایکن جدید مراجحه نظامنامه سنه
توفیقاً بر مثلی فائض حکم اولنسی ووقوعی ادعا
اولنان التیوز غروش تسلیات حقنده بانکه وکیلی
طرفندن درمیان ایدیلان مدافعاتک بلا تدقیق
مسکوت عنه بر اقلنسی قانونه مغایر و مستدعی تمیز
بانکه وکیلنک اعتراضیه معاون مومی الیهک مطا -
له سی موافق نفس الامر اولدینه بناء اصول
محاکمه حقوقیه قانوننک ایکیوز اوتوز ایکنجی
ماده سی موجبجه اعلام مذکورک نقضیه قانون
مذکورک ایکیوز قرق دردنجی ماده سی حکمنه
توفیقاً کیفیتک یکدن بالرؤیه اعلامه ربطی ضمننده
محکمه مذکوریه اعاده سنه وزیرده مفرداتی محرر
اوچوز اوتوز طقوز بیقی غروش مصارف تمیزیه نیک
ایلروده حقسنر چیه حق طرفه رجوع ایتک
اوزره اول امرده مستدعی تمیز زراعت بانکه سندن
المنس ۲۲ ایلول سنه ۳۰۸ تاریخچه متفقاً قرار
ویریلرک تفهیم قلندی .

یدی سنه مرور ایتش و بوا یسه دینک عدم وجودینه دلیل بولنش ایکن سند مذکور ایله محکوم ایدلمسی و مهرینک اصولاً تطبیق ایدلماسی مغایر قانون اولدیفندن بحاله اعلامک نقضی و میز علیه بانقه وکیلی اوخانس افندینک نتیجه جوابی حکم ابتدائی معترضک یوم محاکمه حاضر بولنه مامسی جهتیله اعتراض استدعاسنک ردندن عبارت اولسنه کوره اصول و قانونه موافق اولدینی بیانیله اعلامک تصدیق طلبندن و معاون مومی الیهک مطالعه سی دخی اعتراض علی الحکم اوزرینه جریان ایدن محاکمه مدعی عمومینک حاضر بولندیر یله رق مطالعه سنک النامسی مغایر قانون اولدینی بیانندن عبارتدر .

بولندیر یله رق مطالعه سنک استماع قلمقمسزین بوجه محرر قرار ویرلمسی قانونه مغایر و معاون مومی الیهک مطالعه سی موافق نفس الامر اولدیفنه بناءً اصول محاکمه حقوقیه قانوننک ایکوز قرق برنجی ماده سی موجب جه اعلام مذکورک نقضیه قانون مذکورک ایکوز قرق دردرنجی ماده سی حکمنه توفیقاً کیفیتک یکیدن بالرؤیه اعلامه ربطی ضمانتده محکمه مذکوریه اعاده سنه و زبرده مفرداتی محرر درتیوز درت بحق غروش مصارف تمیزیته نک ایلروده حقسز چیه جق طرفه رجوع ایتک اوزره اول امرده مستدعی احمد بکدن النمسنه ۳۰۸ قانون اول سنه ۳۰۸ تاریخنده متفقاً قرار ویر یله رک تفهیم قلندی .

محکمه استیناف حقوق قسمندن ۱ اغستوس سنه ۳۰۸ تاریخی و یوز طقسان عددی ایله صادر اولان اعلامک تمیزی بیانی استعدا ایدن

ایجابی مذاکره اولندفده اعلام مذکورک مندرجاتندن مفهم اولدینی اوزره دعوای واقعنک منافع عامه ایچون تأسیس قلمش اولان زراعت بانقه سنه عائد اولسنه کوره انشای محاکمه سنده تشکیلات محاکم قانوننک التمش بشنجی ماده سی موجب جه مدعی عمومینک حاضر بولندیر یله رق مطالعه سنک استماعی امور لازمه دن ایکن محکمه جه اعتراض علی الحکم اوزرینه جریان ایدن محاکمه مأمور مومی الیهک حاضر

در سعادتده یکی جامع شریف حوالیسنده ایتش یدی نومرولی مغازه ده مقیم پولیچه جی حاجت اوغلی واسیلاکی افندی وکیلی ژان کساری یدی افندی ایله میز علیه چارشوی کیرده جانفسجیلر ایچنده اون درت نومرولی دکانده مقیم جانفسجی ضدالجیان فرانسوا افندی وکیلی سوقراط اینو- دیادی افندینک یوم معینه دائریه ورود ایتلریله ایضاحات ش- فاهیه لری استماع قلندقدنصکره تدقیقات تمیزیه اجراسنه ایتدار اولندی .

اعلام مذکورک خلاصه مآلی مرقوم واسیلاکی افندینک موسیو سیده ری قامقونا ذمتنده محکوم به الاجبی بولنان یوز درت بحق لیرانک تأمین استیفاسی ضمانتده مرقومک مالی اولوب ضدالجیان فرانسوا افندینک عهده سننده مقید والیوم مسکرات فابریقه سی بولنان در سعادتده بالقی بازاری جاده سنده یوز درت نومرولی بر باب یانجی بقال کدکی اوزرینه وضع ایتش اولدینی حجزک تصدیق حقنده بک اوغلی بدایت محکمه سی ایکنجی حقوق دائره سنده اقامه ایلدیکی دعوایه قارشو مدعی علیهما دن ضدالجیان فرانسوا افندی وکیل مذکور فابریقه اولجه مواضعه موکلی عهده سننده مقید اولدینی خالده

مؤخرأ مدیون سیده ریدن برقطعه سند خاقانی موجب جه صورت قطعه ده اشترا و تفرغ ایدرک صحیحاً عهده سننده بولنمقده ایدو کندن اولبابده کی حجزک فکنی مدافعه درمیان ایتش ایسه ده اجرا قلنان محاکمه و تدقیقات نتیجه سننده اولبابده کی حجز نامه نک تبلیغندن اعتبار آ سکن کون ظرفنده مزبور فرانسوا افندینک برکونه اعتراض ایتیه رک اختیار سکوت ایتش اولسی مذکور فابریقه نک مواضعه عهده سننده بولندیفنی تصدیق و حجز واقعی قبول دیمک اولدیفندن وکیلنک اولبابده کی مدافعه سنک ردیه حجز موضوعک تصدیقه دائر محکمه مرقومه دن صادر اولان اعلامک استینافاً بالتدقیق فسخیه یکیدن اجرا قلنان محاکمه و تدقیقات نتیجه سننده منازع فیه اولان کدک مرقوم ضدالجیان فرانسوا افندینک عهده تصرفنه کچد کد نصکره مزبور واسیلاکی افندی طرفندن مدیون سیده ریدی ذمتنده مطلوبی اولان مبالغه مقابل حجز ایدلدیکی ابراز اولنان سند خاقانی و اولبابده کی حجز نامه تاریخلریله تبیین ایتش و داین مرقومک حجزدن مقدم فرانسوا افندی عهده سنه کچمش اولان مذکور کدکی حجزه صلاحیتی اوله میه جفی درکار بولنش اولدینی بیانیله حجز مذکورک

فکيله مرقوم واسيلاکي افنديک مزبور فرانسوا
افندی به قارشو معارضه سنک منعه حکمیدن
و مستدعی واسيلاکي افندی و کيلي ژان کساریدی
افنديک اشبو حکم علیهنده باشلوجه اعتراضاتی
موکلنک تحت حجزه الدیرمش اولدینی مذکور
کدک مرقوم فرانسوا افندی عهده سنده
مواضعه مقید بواندیغی موکلی اثباته مقتدر
اولدینی حالده عند الاستیناف اثبات مدعایه
میدان ویرلامسی مغایر قانون اولدیغندن بختله
اعلام مذکورک نقضی استدعاسندن ویمز علیه
فرانسوا افندی وکيلي سوقراط اندونیادی
افنديک نتیجه جوابی دخی عقار مذکورک
مدیون سیده رینک اولوب موکلی عهده سنده
مواضعه مقید اولدیغنه دائر خصمنک بدایه
واستینافاً بر کونه ادعاسی مسبوق اولیوب اشبو
ادعاسی تمیزاً درمیان اتمکه صلاحیتی بولنمدینی
وعقار مذکوری حجزدن مقدم موکلنک صورت
قطعیده تفرغ ایتدیکی استینافاً مبرز سند خاقانی
مندرجاتیله تحقق ایتمش اولدینی بیانیله اعتراضات
مسرووده نکر دی و موافق قانون اولان اعلامک
تصدیقی طلبندن عبارت بولنمشدر.

ایجابی لدی المذاکره اعلام استینافی مذکور

مأئندن منفهم اولدینی اوزره مرقوم واسيلاکي
افنديک بدایه اقامه ایلدیکی دعوی مدیون
سیده رینک مالی اولوب مزبور سندالجیان
فرانسوا افندی عهده سنده مواضعه مقید والیوم
مسکرات فاریقه سی بولنان بر باب یاغی کدکنه
وضع ایتمش اولدینی حجزک تصدیقی طلبندن
عبارت اولسنه کوره محکمه استینافی جه بدایت
محکمه سی اعلامنک فسخندن صکره عقار مذکور
صورت قطعیده تصرفی متضمن مزبور سند
الجیان فرانسوا افندی جانندن ابراز ایدیلان
سند خاقانیدن مقدم تاریخ ایله مورخ میدانده بر
مواضعه سندی اولوب اولدینی مزبور واسيلاکي
افنديک سؤال و تحقیق ایدیلرک او یولده بر
مواضعه سندی اولدینی و فرانسوا افنديک ابراز
ایلدیکی تصرف سندیکن مواضعیه مبتنی اولدینی
ادعاسنده مزبور واسيلاکي افندی طرفندن اصرار
ایدیلوبده اثبات مدعادن اظهار عجز ایله طالب
تحلیف اولدینی بالسؤال اگلا شلدینی تقدیرده
مزبور فرانسوا افنديک تحلیفی اجرا قلنمق
صورتیله فصل دعوی اولنمق اقتضا ایدر ایکن
محکمه استیناف حقوق قسمجه صور مشروحه
دائر سنده اجرای معامله اولنمقسزین مبرز
تصرف سندی مندرجاتنه استناداً اعلام ابتدائیکنک

فسخیله حجز موضوعک فککنه قرار ویرلمسی
قانونه مغایر و مستدعی وکيلي مومی الیه ژان
کساریدی افنديک اعتراضی دخی بوجهته متدائر
اوله رق موافق نفس الامر کورندیکنه بناءً
اصول محاکمه حقوقیه قانوننک اکیوز اوتوز
ایکنجی ماده سی موجبجه اعلام مذکورک
نقضیله قانون مذکورک اکیوز قرق دردنجی
ماده سی حکمنه توفیقاً کیفیتک یکیدن بالرؤیه اعلامه
ربطی ضمننده قسم مذکور عاده سنه و زیرده
مفرداتی مرقم درتیوز اون طقوز بچق غروش
مصارف تمیزیه نکر ایلروده حقسز حقیقه جق طرفه
رجوع ایتک اوزره اول امرده مستدعی تمیز
واسيلاکي افنديک النمسنه ۶ کانون ثانی سنه ۳۰۸
تاریخنده متفقاً قرار ویریلرک تفهیم قلندی.

اعلام مذکورک خلاصه مالی مرقومان
غزاروس و باروناق اینازیان برادرلرک یکدیگرینه
کفیل بالمال صورتیله شریک بولنان خاجیک
تیور قبولیان و برادرلری و اترس و کرقور
جزوه جیان ذمتلرنده جیرولی امره محرر برقطعه
سند موجبجه الاجقلمی اولان یوز عدد عثمانل
لیراسنک زمان تأدییه سی حلول ایلدیکی و لازمکلان
پروتستوسی کشیده قلندی حالده تأدییه سندن

محکمه استیناف تجارت قسمندن ۱۹ نشرین
ثانی سنه ۳۰۷ تاریخی و طقسان یدی عدی ایله

امتناع اولنمقده اولديغندن مرقومونك اعلان افلاسيه مبلغ مذكورك مع گذشته تحصيلي حقنדה اقامه ايلدكلى دعوايه قارشو مدعى عليهدن خاجبك تيمور قبوليان كندولريك تعطيل تاديانه مجبور بولندقلريني خصملرينه بيان ايلملري اوزرينه اصحاب مطلوبك رضا و موافقتيله بيلرنده يوزده يكرمى به عقد صلح ايتدكلى مداخله ايتان ايتش ايسه ده تعطيل تاديانه مجبور اولدقلري اقرار و اعترافلرله متحقق و حال افلاسيه اولدقلري دركار ايدوكنه بناء مدعى عليهم مرقومونك اعلان افلاسلرينه واولبايدهكي حكمت موقتاً اجراسنه دائر تجارت بحريه محكمه سندن و يريلان اعلامك مدعى عليهك وقوعبولان مراجعتلرينه مبنى استينافاً بالتدقيق اسباب قانونيه به بناء فسختدن صكره جريان ايدن محاسبات و تدقيقات استينافيه نتيجه سنده مرقومون خاجبك و برادرلرينك حال افلاسيه اولدقلري اقرارلري واوراق مبرزه مندرجاتيله متين اولوب شو حالده قانوناً مفلس نظريه باقيه جقلري طبيعي اولديغه وهرنه قدر مرقومون جانبندن اصحاب مطلوب و اينسازيان برادرلر ايله بالرضا صلحاً تسويه مصلحت ايتدكلى جهته افلاسلريني طلبه خصملرينك حق اولديغى بيان اولنمقده ايسه ده

حال افلاسل رفقى قانون تجارتده تعيين و تعداد ايديلان معاملاتك بتخصيص تحقيق ديون قاعده سنك ايفا و اكاييله اصحاب مطلوبك عدليه مقدار و نوع حقوقلري تحقق ايتسكد نصكره قونغورداتو تعبير اولنان صلحنامه نك اولبايده صلاحيت قانونيه لري اوللر بيلنده تنظيم و جانب محكمه دن تصديقه و بصورت حاصل اوله مدعى تقديرده موجودانك بين الغرما تقسيم و توزيعنه متوقف اولوب مباحوث غنه اولان صلحنامه ايسه معاملات مشروحه نك ايفا اولنامسى جهته قانون مذكورك ايكيوز اون دردنچي ماده مى حكمنجه قونغورداتو مزيتى حائز اولديغى كج عاقديندن بولنان مستأفلك حين عقدده تاديه ديندن عاجز و بناءً عليه مجبوريت قانونيه ايله مجبور اولملري و مصالح عليهك طاشجيان سركر افدى طرفدن تسويه مى مشروط اولوب مصالحلرك مالى اولنامسى و مصالح غنه مقدار ينك معين بولنامسى مجله كتاب اصالح و ابراسنده محرر مواد احكامنجه تحت صاچي محل احوالدين و معاملات قانونيه نك ايفاسنه مانع برسبب مفقود اولديغه بناءً مستأفلك صالح حقنדה كي دفع واقعلريك رديله اعلان افلاسلرينه و معاملات و تحقيقاتك درجه اولي محكمه سنجه لزوم اجراسنه

حكمن و مستدعيلري وكيلى كرقور افدينك اشبو حكم عليهنده كي اعتراضاتك خلاصه سى موكللى ايله اينسازيان برادرلر و سائر اصحاب مطلوب بيلنده كي صلحنامه محكمه خارجنده تنظيم ايديلوب احكام مجليه به موافق اولديغى حالده استينافاً مجله و قانون تجارت احكامنه مغاير اولديغى بيانيله برمنوال محرر حكم و يرلمى و موكللرينك حكم حاكمه مجبور اولدقلري و ديكر اصحاب مطلوبك طاشجيان سركر افدين استيفاي حق ايلدكلى دركار ايكن افلاسللرينه قرار اعطا اولنمى مغاير قانون اولديغندن مجمله اعلامك نقضى و بمنز عليهندن و يرامشايوح و اغوب بحري افديلرك نتيجه جوانى دخى مذكور صلحنامه قانون دائره سنده تنظيم ايدلش قونغو ردا تو مقامه قائم اوله ميه جنى دركار و بناءً عليه حكم استينافى بولنده اولديغى بديدار بولنديغى بيانيله اعلام مذكورك تصديقي طلبندن و معاون مومى اليهك مطالعه سى دخى مستدعيلرك ايفاي ديندن اظهار عجزى متحقق اولغله برابر اصحاب مطلوب ايله عقد اولنان صلحنامه اعلام ميژييده مندرج اسبابه نظراً قونغورداتو مزيتى حائز اولديغه مبنى اعتراضات واقعه نك موافق قانون اولديغى بيانندن عبارتدر.

ايجاي مذاكره اولنمقده اعلام مذكور مندرجاتندن منفيهم اولديغى اوزره استينافاً طرفينك بالرضا خارجنده عقد و تنظيم ايتش اولدقلري صلحنامه نك قانونه مغاير و مستدعيلرك حال افلاسيه اولدقلري اقرارلرله متحقق اولديغندن مجله برمنوال حكم و قرار و يرلمش ايسه ده سالف الذكر مصالحه سندنك قانون تجارته توفيقاً تدقيقى ايجاب ايتيوب مجله احكامنه توفيقاً رؤيت دعوى اولنمى قانوناً مقضى و هر نقدر عند الاستيناف مجله نك ككتاب الصالح و ابراسنده كي مواده توفيقاً صلحك اخلاصه قرار و يرلمش ايسه ده قنى ماده به تطبيق ايديكى كوسترلديكى كج مديونلرك حين عقد مصالحه ده مجبوريتلري حقننده برحكم اولديغى حالده مجبوريتلرندن مجله صالحه مأذونيتلري اولدقلر نندن مجله حكم و يرلمى قانونه مغاير و مستدعيلر و كيلنك اعتراضى موافق نفس الامر اولوب معاون مومى اليهك مطالعه سى شايان قبول كوريله مديكنه بناءً اصول محاكمه حقوقيه قانوننك ايكيوز اوتوز ايكنجى ماده سى موجبنجه اعلام مذكورك نقضيله قانون مذكورك ايكيوز قرق دردنچي ماده سى حكمنه توفيقاً كيفيتك يكيدن بالرؤيه اعلامه ر بطى ضمننده قسم مذكوره اعاده سنده

وزیرده مفرداتی محرر التیوز اون الی بقی
غروش مصارف تمیزیه نیک ایلروده حقسز چیقہ حق
طرفہ رجوع ایتک اوزره اول امرده مستدعیر-
دن النمسنه ۲ کانون اول سنه ۳۰۸ تاریخینده
متفقاً قرار ویریلرک تفهیم قلندی.

ا ا ا ا ا

ایوبده ققیه جی محله سنده شریفه خانمک
خانه سنه سرقت قصدیه دخول ایتملرندن طولانی
متهم بولسان یونانی سرو بطور میخال وتبعه دن
عوانوز محمد وسائر نیک رفقاسندن اولوب فرارده
بولنان اورته بویلی صاری بکزیل آزار صاری بیقلی
طقناز وجودلی عادتاً برون واغزلی مطروش چکه لی
شمی مهاجرلرندن کیچی محمد اورته بویلی بغدادی

بکزیل قرال بیقلی الا کوزلی عادتاً برون واغزلی
مطروش چکه لی اورته وجودلی خروات مارقو
الآن الله ایدیه مامش اولدقلرندن اصول محاکات
جزائیہ قانوننک اوچوز یتیش برنجی ماده سنه
توفیقاً وتاریخ اعلاندن اعتباراً محکمه یه کلری
ضمننده فراری مرقومانه مقام ریاستدن اون کون
مهل ویرلش اولغله مدت مذکوره ظرفنده
کلدکلی تقدیرده قانونه اطاعت ایتمامش نظریله
باقیله ورق محاکمه غیایه لری بالاجرا حقوق
مدنیه دن اسقاط وماللری حجز ایدیه جکی وبوبابده
مرقومانک برکونه دعوی اقامه سنه حق لری اوله -
میه جی کی بولندقلری محلی بیلانر خبر ویرمه
وبالجمله ضابطه عدلیه مأمورلرینک کندولرینی
طومتغه مجبور اولدقلری بیانیله اعلان کیفیت
اولندی .

فی ۱۴ نیسان سنه ۳۰۹

خرستاکینک حاجی اوغلی قسطی ذمتنده
بااعلام الاجنی اولان مبالغک تأمین استیفاسی
ضمننده تحت حجزه النان چنکل قریه سنده واپور
اسکله سی قارشوسنده سکسان ایکی نومرولی برباب
میخانه کدکنک یوز یکرمی سهم اعتباریه مدیون
مومی الیه عهده سنده بولنان اوتوز سهمک تاریخ
اعلاندن اعتباراً اون بش کون صکره بالمزایده
فروخته مبادرت اولنه جینی اسکدار بدایت
محکمه سی اجرا دائره سندن اعلان اولنور .

فی ۱۲ نیسان سنه ۳۰۹

فی ۲۴ نیسان سنه ۳۰۹

متوفی یازیچی اوغلی مغردیج افندی ورته سی
وصیدی بایزارخانمک سیراغان مانغا صاریان ذمتنده
بااعلام الاجنی اولان مبالغک تأمین استیفاسی
ضمننده محجوز بولسان اسکدارده سلا مسزده

خسرو طوپخانه لیانک مغردیج غنجه کلیان
افندی ذمتنده محکوم به مطلوب بندن طولانی تحت
حجزه النان اسکدارده التونی زاده محله سنک

پایاز ابراحام سوقاغنده کائن برنومرولی مع بغچه
بر باب اخشاب خانه عندالمزایده ایرایوز غروش
حسابیله اون اوچ بیک بشیوز غروش بدل ایله
طالبی عهده سنده تقرر ایدرک تاریخ اعلاندن
اعتباراً برماه ختامنده قرار قطعیسی و یربله جکی
جهتله یوزده بش ضمیمه زیادهیه طالب اولانلرک
مدت مذکوره ظرفنده اسکدار بدایت محکمه سی
اجرا دائره سنه مراجعت ایلملری اعلان
اولنور .

فی ۲۴ نیشان سنه ۳۰۹

موجبجه الاجقلمری اولان مبالغ معلومه نك تأمین
استیفامی ضمننده مرهون وفروختی محکوم بولنان
تک طاشلی اطرافى اوزنکلی برالماس یوزک و بر
تک طاشلی مکسور حلقه لی برالماس یوزک والتون
حلقه لی زمرد طاشلی اطرافى اوزنکلی برالماس
یوزک و سیم اوزرینه مصنوع یراق رسمنده برچفت
الماس ایکنه و صغیر یلدرز رسمنده سیم اوزرینه
مصنوع برالماس ایکنه و سیم اوزرینه مصنوع صیف
بنفشه رسمنده برالماس ایکنه اشبومایس رومینک
اوچنجی بازار ایرتسی و دردنجی صالی و بشنجی
چهارشنبه کونلری چارشوی کیرده قیو مجیلر
ایچنده بلمزیده فروخت اولنه جفندن طالب اولنلرک
ایام مذکوره محل مذکوره حاضر بولنملری
درسعادت اعلامات شرعیه اجرا دائره سندن
اعلان اولنور .

فی ۲۶ نیشان سنه ۳۰۹

متوفی محمد حسیب افندی ورثه سنک خدیجه
خاتم ذمتنده قسمت عسکری محکمه سندن و یریلان
۹ ذی القعدة سنه ۹۷ تاریخلی برقطعه ادانه حاجتی

(مطبعة عامره ده طبع اولنمشدر)